

Wachakalcarta, Pablo lelpox, Timoteoliajwa

Pablo lelpox carta Timoteoliajwa

¹ Xan, Pablo, Dios namakafit Jesucristo pej-apóstolliajwan, jiw naewhajnalialjwan Jesús pejwajjan. Dios nejxasink xan jiw naewhajnalialjwan Dios jum-aechpox, naexasiti Jesús pejwajjan duilaliajwa japonxotse.

² Timoteo, ampox carta lelx xamliajwa. Xam taxulnam wut, ja-am xanliajwa, xambej naexasitam xot Jesús pejwajjan. Samata, xam nejxasinkax. Xan waj-ax Dios, wajpaklon Jesucristobej, kawhajntax xam kajachawaesliajwapi. Japi kawhajntaxbej xam chiekal beltaeliajwa. Japi kawhajntaxbej xabich xam kajachawaesliajwa chiekal dukaliajwam, asew jiw sapich.

Pablo Timoteo naewhajjanpox, japon kofselialiajwa Dios pijax bichax

³ Me-ama tajwahajnapijiw nabist Diosliajwa, xanbej ja-an amwutjel. Ja-an wut, xan babijax is-enil asew jiwliajwa. Matkoi, madoibej, Dios kawhajntax wut, xam nejchaxoelx. Samata, jawut Dios gracias-an xamliajwa.

⁴ Xan nejchafaetx xam nowampox, xan chijyalialjwan wut asalel. Samata, pejme xam taesian nejchachaemlialjwan.

⁵ Xan nejkiowa-enil xam Jesucristo pejwɥajan chiekal naexasitampox. Nej-ae' Loida matxoela naexasit Jesús pejwɥajan, nej-en Eunice sɥapichbej. Xan matabijtax, xambej diachwɥajnakolax naexasitam Jesús pejwɥajan.

⁶ Samata, ¡xam nejchaxoelde Dios pijax bichax isfulaliajwam! Xan nejta'tat ki-otx wɥt Dios kawɥajnalialjwan, jawɥt Espíritu Santo tɥadut xam kajachawaesfulaliajwa Dios pijax bichax isliajwam.

⁷ Dios to'ak Espíritu Santo xatis wajmatpɥatanxotalialjwa. Samata, wajlewɥaxil asew jiwɥialjwa. Espíritu Santo nakkajachawaet isliajwas Dios nejxasinkpoxan. Nakkajachawaetbejpon asew jiw nejxasinkaliajwas. Nakkajachawaetbejpon babijaxan isasamatas.

⁸ ¡Xam nabej nadale' asew jiw naewɥajnalialjwam wajpaklon Jesús pejwɥajan! ¡Nabej nadale'bej xan jiw jebatat najiapoxliajwa, jiw naewɥajnax xot Jesús pejwɥajan! Nabijatam wɥt, asew jiw is wɥt babijaxan, Jesús pejwɥajan naewɥajnam wɥt, ja-am wɥt, ¡nakiowa naewɥajnafulde! Ja-am wɥt, Dios kajachawaesfulaxael xam mamnikaliajwam, me-ama xan Dios nakajachawaesful.

⁹ Dios nakbu'wia xatis. Nakmakanotbejpon japon pejjiwaliajwas tanbichliajwas. Dios nakmakanos-el, pachaempoxan isas xot. Pe japon nakmakanot, pajut nejchaxoel xot, xatis naknejxasink xoton. Chajiakolaxtat Dios is-el wɥtɥuk ampathat, Dios nejchaxoel to'aliajwa Jesucristo ampathatpijiw bu'welialjwa.

¹⁰ Wajpaklon Jesucristo ampathatat nalaelt.

Do baxael, japon boesas tɔpaliajwa xatisliajwa. Japon tɔp wɔt, Dios mat-echpon pejme dukaliajwa. Ja-aech wɔt, Jesucristo malecha patɔpax. Jesucristo tɔp wɔt xatisliajwa, matabijas Dios xabich naknejxasinkpox. Jiw matabija wɔt chimiawɔajan, Jesús pejwɔajan, japi matabijaxael pomatkoicha duilaxaelpox Diosxotse.

11 Dios nato'a xan jiw naewɔajnalialjwan Jesús pejwɔajan. Dios namakafitbej Jesús pej-apóstollialjwan, jiw naewɔajnaj wɔt chiekal chanaekabɔanaliajwanbej japon pejwɔajan.

12 Samata, asey jiw pijaxtat amwɔtjel xan nabijatax jiw jebatat. Pe nakiowa, tadala-el, matabijtax xot Jesucristo, xabich xanaboejtaxpon. Matabijtaxbej japon pomatkoicha xan natataeflaxaelpox, jiw naewɔajnalialjwan japon pejwɔajan.

13 Samata, ¡chimiawɔajan, Jesús pejwɔajan, chiekal naewɔajande, majt xam naewɔajnajpox! Me-ama xam naewɔajnaj wɔt, ¡ja-amdebej, asey jiw naewɔajnam wɔt! ¡Pomatkoicha Jesús pejwɔajan chiekal naexasisfulde! Xatis Jesús pejjjws xot, ¡nakaewa chiekal nanejxasinkaxaesbej!

14 Dios to'a xam jiw naewɔajnafalialjwam chimiawɔajan, Jesús pejwɔajan. ¡Japawɔajan nabej xalixaxe' asawɔajantat! Espíritu Santo, xatis wajmatpɔatanxotpon, japon xam kajachawaesfulaxael japawɔajan xalixsasamatam.

15 Xam chiekal matabijtam ampo. Xan jiw jebatatax wɔt, puexa Asia tɔajnapijiw, naexasiti Jesús pejwɔajan, japi chajia nakofaliajwa. Kaes

nawultatae-ellisi. Xanxot chajiapixot ampilape. Kaen pawul Figelo. Asan pawul Hermógenes.

¹⁶ Xan Dios kawñajnañ Onesíforoliajwa, japon pejjiwliajwabej, Dios kajachawaesliajwas. Xan jiw jebatatax wut, japon kaen xabich nataent. Japon padala-elbej xan nataentaliajwa. Japon nataent wut, xan xabich nejchachaemlax.

¹⁷ Japon Roma paklowaxxot pat wut, damlathula-elon. Kamta nawulwekaxenton nafaenaliajwa. Do baxael, nafaenpon.

¹⁸ Xam matabijtam, japon xabich nakajachawaet, xan Éfeso paklowaxxotx wut. Samata, Dios kawñajnañ japon xabich kajachawaesliajwas, asamatkoi Cristo pejme pask wut.

2

Machiyaxaelpox Jesús pejwñajan naexasiti, nabist wuti Jesúsliajwa

¹ Wña, Timoteo, Jesucristo xam kajachawaet xot, jmamnikde Dios pijax, bichax, chiekal nabichliajwam!

² Xam chiekal jmtaenam xabich jiw pejwñajnalel xan naewñajnañ wut. jJapanaewñajnañlap xam asew jiw naewñajande, japi jiw, matabijtampi, chiekal xajppi naewñajnalialjwa asew jiw japanaewñajnañ!

³ Xam nabijasaxaelam asew jiw pijaxtat, nabistam xot Jesucristoliajwa. Soldawan nabijat wut, nakiowa nabeful. Boejtaliatbejpon. jXamlap-is jamde, nabijatam wut Jesucristoliajwa!

4 Soldawan wuaj nawet isliajwa pejpaklon to'aspoxkal. Pajut isasiapoxan isaxilon.

5 Najaesaxaelpon kanaliajwa premio, jachiyaxaelbej. Japon aton chiekal naexaxisaxaelbej to'aspox najaesliajwa. Najaesaxaelpon chiekal naexaxis-el wut, ja-aech wut, japon aton premio kanaxil.

6 Nabistpon pejlul, jachiyaxaelbej. Xabich nabistpon. Pe baxael, chiekal weti'tas wut, wepachaems wutbej, jolaxaelon pajutliajwa, pejbichax chiekal is xoton.

7 Samata, xam nejchaxoelam wut, jchiekal nejchaxoelde japoxanliajwa! Ja-am wut, Dios kajachawaesaxael puexa chiekal matabijsliajwam.

8 Xam jiw naewuajnam wut, jnejchaxoelde Jesucristo, Dios mat-echpon pejme dukaliajwa, japon rey David pamon! Xan jiw naewuajnax japon pejwuajan. Japi naexasit wut japawuajan, Dios bu'weyaxaespi.

9 Xan nabijatax, asew jiw najia xot jiw jebatat, Jesús pejwuajan jiw naewuajnax xot. Cadenamuatat namuaxwasixawaet. Me-ama babejnan wut, naki-aechpi. Pe Jesús pejwuajan chinax kaen aton xawaesaxil cadenamuatat. Samata, Jesús pejwuajan xabich potuajnucha xajur.

10 Xan japox matabijtax xot, boejtaliatx, nabijatax wut, Dios makanochpi, japibej naexaxisliajwa Jesús pejwuajan. Samata, japi jiwbej bu'weyaxaes, Jesucristo pejwuajan naexasit wut pomatkoicha duilaliajwapi Diosxotse.

11 Diachwuajnakolax himnotat jum-aech wut, jum-aechox:

“Xatis, Cristo sʉapich, tʉps wʉt, xatisbej duilaxaes Diosxotse, Cristo sʉapich.

12 Asew jiw pijaxtat nabijatas wʉt, boejtaliasaxaes. Jatis wʉt, xatis, Cristo sʉapich, Diosxotse tato'laxaes. Xatis jʉmtis wʉt asew jiwliajwa: ‘Xanal Cristo pejjiwa-enil’ – tis wʉt, Cristobej asamatkoi xatisliajwa jʉmchiyaxael: ‘Ampi, jiw, tajjiwa-el’ – chiyaxaelbejpon.

13 Xatis wajut jʉmduwspox is-esal wʉt, Cristolax isaxael nakjʉmdutpox xatisliajwa. Cristo asanejchaxoelaxa-el, jʉm-aech wʉt” –aech hinnotat.

Ma-aechpox aton, japon chiekal nabist wʉt Diosliajwa

14 Xan amprox jʉm-an wʉt, Dios chiekal matabijt. jXam jiw chiekal naewʉajnafalde japi nejchafaekaliajwa, kaes nakaewa nabʉnlos-elaliajwa asaxan, pachaema-elpoxan! Japi nakaewa asaxanliajwa nabʉnlot wʉt, japox chinax pachaemaxil. Asew jiw japox jʉmtaen wʉt, naexaxisaxili Jesucristo pejwʉajan.

15 jJiw naewʉajande diachwʉajnakolaxwʉajan, me-ama Dios xam to'a! Ja-am wʉt, asamatkoi xam nadalaxil, Dios pejwʉajnalel nukam wʉt. Ja-am wʉtbej, Dios nejchachaemlaxael xamliajwa.

16 Jiw naewʉajmaximil Dios pejjamechana-el wʉt, japanaewʉajmax pachaema-el xot. Asew jiw japox naewʉajan wʉt, japi jiw xabich tabejt asew jiw, Dios xanaboejapi.

17 Japi naewʉajanpox, me-ama bʉ'xaxaeflawaxae wʉt, ja-aechox, xabich asew jiw

tabejt xot. Himeneo, Fileto s_uapich, japibej tabejt asew jiw, naew_uajan w_uti Dios pejjamechana-elpox.

¹⁸ Japi kolenje kofa Dios pejjamechan, diachw_uajnakolaxw_uajan. Asb_uan jumch jum-aechi, asew jiw naew_uajan w_ut: “Xatis, Jesús pejw_uajan naexasichpis, Dios nakmat-eyaxaelpox pejme duilaliajwas, japox toeplisox. Samata, Dios kaes xatis nakmat-eyaxil pejme duilaliajwas” —aech japi jiw, asew jiw naew_uajan w_ut. Samata, jiw, japi majt naexasiti Jesús pejw_uajan, amw_utjel chiekal matabija-el achaw_uajan kaes pachaem naexasisliajwapi.

¹⁹ Diachw_uajnakolax Dios pejjamechan xaliax-axil. Japon pejjamechan, chajia lels_upox, jum-aech w_ut, jum-aechox: “Wajpaklon matabijt pejjiw” —aechox. Jum-aechbejpox: “Puexa jiw jum-aechpi: ‘Xanal Cristo pejjiwan’ —aechpi, japi jiw kofaxael babijaxan ispoxan” —aechbej Dios pejjamechan, chajia lels_upox.

²⁰ Pinjiyax batutat chalak oroplatfachan. Chalakbej plataplatfachan, fiestamatkoi w_ut, japaplatfachantat jiw xaxaeliajwa. Japabatutat chalakbej platfachan isaspi naechantat, b_ux-astatbej, nejmachmatkoi w_ut japaplatfachantat jiw xaxaeliajwa.

²¹ Jachiyaxaelbej jiw, naexasitpixot Jesús pejw_uajan. Asew jiw chiekal kaelel kofa babijaxan ispoxan. Ja-aech w_ut, chiekal isful Dios pejbichaxan. Samata, xaj_up isliajwa nejmachpachaempoxan.

²² Timoteo, ixam pomatkoicha chiekal taem babijax isasamatam, me-ama asew, pansiachow,

isful babijaxan, jachisamatam! ¡Xamlax isfulde pachaempoxan! ¡Chiekal xanaboejsfuldebej Cristo! ¡Chiekal nejxasinkdebej asew jiw, naexasiti Jesús pejwujajan! Dukam wut, ¡chiekal dukdebej! ¡Ja-amde asew jiw, naexasiti Jesús pejwujajan suapich, japi jiwbej chiekal pachaemaliajwa Diosliajwa!

²³ Xam matabijtam. Jiw nalot wut, japi nakaewa nanejwesla. Samata, xam, asew jiw suapich, ¡nabej nabunlos wujajan, pachaema-elwujajan!

²⁴ Xatis nabistaspis Jesúsliajwa, nalosaxisal, asew jiw suapich. Asbuan jumch chiekal pachaemaxaes asew jiwliajwa. Chiekal matabijaxaesbej Dios pejjamechan jiw chanaekabuanaliajwas. Piach wajlaxilbej, asew jiw babejjamechan jum-aechful wut xatisliajwa.

²⁵ Chiekal naewujajnaes asew jiw, Dios naexasis-elpifak. Wujajnowesaxaes asamatkoi japibej Dios kajachawaesliajwas naexasisliajwapi Dios. Naexasit wuti Dios, jawut chiekal pajut matabijaxaeli Jesús pejwujajan, diachwujajnakolaxpox.

²⁶ Ja-aech wutbej, japi pajut matabijaxael chiekal nejchaxoela-elpox Dios pejjamechanliajwa. Japi naexasit wuti Dios, ja-aech wut, nadijaxaeli Satanás tato'alxot. Ja-aech wutbej, pajut chiekal matabijaxaelbejpi majt Satanás naekichachajbaspox, japi isful wut Satanás nejxasinkpoxan.

Machiyaxaelpox jiw, mox pawñajna wut ampathat toepaliajwa

¹ Timoteo, xam chiekal matabijsaxaelam amprox. Mox pawñajna wut ampathat toepaliajwa, puexa jiwliajwa xabich chachoelaxael. Matkoiyan xabich chaemilaxaelbej japi jiwliajwa.

² Japamatkoiyantat jiw nejchaxoelaxael isliajwa pachaempoxan pajutliajwakal. Japi jiw xabich nejchaxoelaxaelbejpi kimaeyax. Nejchaxoel wut, jumchiyaxaelbejpi: “Xatis kaes pejme pachaems. Me-ama asew jiw, jachi-esal” — chiyaxaeli, nejchaxoel wut. Jumchiyaxaelbejpi babejjamechan Diosliajwa. Naexasisaxilbejpi paxjiw, penjiwbej, tato'laspoxan. Asew jiw kajachawaech wut, graciaschiyaxilbejpi. Sitaeyaxilbejpi Dios.

³ Nejxasinkaxilbejpi asew jiw. Beltaeyaxilbejpi asew jiw. Buxwñajanmaenkaxaelbejpi. Kofaxilbejpi babijaxan ispoxan. Japi asew jiw ba wut, beltaeyax chiekal wejisal. Nejweslaxaelbejpi jiw, pachaempoxan ispi.

⁴ Japibej woeyaxael pejnachala padaelmajiwxot. Isaxaelbejpi babijaxan pajut isasiapoxan. Japibej naewesaxil, asew jiw naewñajnas wut, pajutliajwa nejchaxoel xot: “Xatis kaes pejme matabijas. Me-ama asew jiw, jachi-esal xatis” — chiyaxael xoti, nejchaxoel wut. Nejchaxoelaxaelbejpi pajut nejxasinkpoxan isliajwa. Ja-aech wut, nejchaxoelaxili isliajwa Dios nejxasinkpoxan.

⁵ Japi jiw pajutliajwa najumchiyaxaelbej asew jiwliajwa: “Xanalbej chiekal naexasitx Dios” — chiyaxaeli. Pe japi isaxael babijaxan. Ja-aech wut, puexa jiw matabijaxaesi japi Dios naexasis-elpi.

Jiw ja-aechpi, ꞓxam nabej nachale', japi sꞓapich!

⁶ Japi jiw asabachan low. Naewꞓajan wꞓt japabachanpijiw, watho', naekichachajbapi. Japi watho', nejxaejwaspi, xabich babijaxan is xot. Ja-aech wꞓt, nakiowa kaes pejme asaxan babijaxan isasia. Samata, tampoela-el naekichachajbaliawas japi watho'.

⁷ Japi watho' matabijasia pajelnaewꞓajna. Pe matabijaxili diachwꞓajnakolaxpox, japox xabich tampoel xot japiliajwa.

⁸ Japi poejiw nejxasinka-el naewꞓajnalialjwa diachwꞓajnakolaxpox. Nejchaxoelpi babijaxan. Naexasis-eli Jesús pejwꞓajan. Samata, japi poejiw, me-ama chajiakolaxtat Janes, Jambresbej, ja-aechi. Chajiakolaxtat Moisés naewꞓajan wꞓt faraón, japi kolenje asbꞓan ꞓꞓmch bꞓxtasalti Moisés, faraón naexasis-elalialjwa Moisés ꞓꞓm-aechpox, diachwꞓajnakolaxpox.

⁹ Japi poejiw, lowpi watho' pejbachantat, japi pi-ach jiw naekichachajbaxil. Asamatkoi puexa jiw pajut chiekal matabijaxael, japi nejliaklapi. Me-ama chajiakolaxtat jiw matabija, Janes, Jambresbej, japi nejliaklapi, jachiyaxaeslap-is japi poejiw.

Pablo to'apox Timoteo, japon kaes jiw naewꞓajnalialjwa

¹⁰ Timoteo, xam chiekal matabijtam, ma-an xan, jiw naewꞓajna wꞓt Jesús pejwꞓajan. Xam matabijtambej, ma-an xan, nabistax wꞓt Diosli-ajwa, Dios chiekal nejchachaemlialjwa xanliajwa. Xambej chiekal matabijtam, ma-an xan, Dios chiekal naexasitx wꞓt. Xambej chiekal matabijtam, aseb jiw babijaxan is wꞓt xanliajwa, xan

talala-el japoxanliajwa. Xambej chiekal matabijtam, ma-an xan, puexa jiw nejxasinkax wut. Xambej najut chiekal matabijtam xabich boejtaliasfulaxpox.

¹¹ Xambej najut matabijtam, ma-an xan, nabijatax wut, naew_uaj_nax xot Jesús pejw_uajan. Xambej puexa chiekal matabijtam xanliajwa ja-aechpoxan, Antioquía paklowaxxotx wut, Iconio paklowaxxotx wutbej, Listra paklowaxxotx wutbej. Japapaklowaxanxotx wut, japapaklowaxanpijiw pijaxtat xan xabich nabijatax, Jesús pejw_uajan naew_uaj_nax wut. Pe nakiowa, wajpaklon Jesucristo nakajachawaet weliajwan japapaklowaxanpijiwxot.

¹² Puexa jiw, duilasiapi, me-ama Jesucristo nejxasink japi duilaliajwa, japi nabijasaxael asew jiw pijaxtat.

¹³ Jiw babejchow_lax kaes babijaxan isaxael. Jiw naekichachajbapibej, asew jiw kaes naekichachajbaxael. Japibej asew jiw naekichachajbaxaes.

¹⁴ Timoteo, ¡xam nabej tapae' japi jiw xambej naekichachajbaliajwa! ¡Chiekal naexasisfulde matabijtam_poxan! Xam chiekal matabijtam jiw xam naew_uajanpi diachw_uaj_nakolaxpox.

¹⁵ Xam yamx_ulnam wut, matabijtam wut Dios pejjamechan, chajia lels_pox, ja-am wut, matabijtam Dios xam bu_weyaxael_pox, Jesús pejw_uajan naexasitam xot.

¹⁶ Chajiakolaxtat Dios pejjiw, profetas, asew jiwbej, Dios kito'as lelaliajwa Dios pejjamechan. Jaw_wt, japi kaenan_ula lel wut, Espíritu Santo pijaxtat chiekal matabija lelaliajwa. Samata, Dios pejjamechan xabich pachaem, chiekal

naknaew_hajnalijwa xatis chiekal matabijali-
ajwas diachw_hajnakolaxpox naexaxislijwas.
Dios pejjamechanbej pachaem xatis chiekal
matabijaliajwas, masox naexaxisaxisal. Dios
pejjamechan xabich pachaembej kofaliajwas,
babijaxan isas w_ht. Dios pejjamechan xabich
pachaembej naknaew_hajnalijwa isliajwas
pachaempoxan. Dios pejjamechan xabich
pachaembej naknaew_hajnalijwa chiekal
duilaliajwas.

¹⁷ Samata, Dios naexasiti chiekal matabija w_ht
Dios pejjamechan, japi jiw matabijaxael isliajwa
puexa pachaempoxan.

4

¹ Xam to'ax jiw naew_hajnalijwam Dios
pejjamechan japon pijaxtat, Jesucristo
pijaxtatbej. Jesucristo pejme pask w_ht,
japon kaenan_hla ampathatpijiw tato'laxael.
J_hmchiyaxaelbejpon kaenan_hla jiw chajia
t_hpiliajwabej: “Xam Dios kastikaxael,
nejb_h'w_hajan xot” —chiyaxaelon t_hpiliajwa.
O, j_hmchiyaxaelbejpon: “Xam Dios kastikaxil,
nejb_h'w_hajan ajil xot” —chiyaxael Jesucristo.

² Samata, jasew jiw naew_hajande Jesús
pejw_hajan! Jiw naewet w_ht, ijapi jiw
naew_hajande! Nejxasinka-el w_htbejpi xam
naew_hajnamprox, j_hnakiowa naew_hajande!
j_hNaew_hajande japi jiw kaenan_hla pajut
chiekal nejchaxoelaliajwa: “Ampaw_hajan
diachw_hajnakolax. Samata, xanbej naexaxisax-
aelen” —chiliajwapi, pajut nejchaxoel w_ht! Japi
babijaxan is w_ht, j_hfia'e! j_hTo'im naexaxisliajwapi

Dios pejjamechan! Naew_{uaj}nam w_{ut}, ¡nabej b_{ux}kofe'! ¡Nakiowa naew_{uaj}nafulde!

³ Asamatkoi jiw nejweslaxael naewesliajwa diachw_{uaj}nakolaxw_{uaj}an. Japi w_ulw_uekaxael asew jiw naew_{uaj}nalialjwas asaw_{uaj}an, naewesasiaw_{uaj}an.

⁴ Nejweslaxaeli naewesliajwa diachw_{uaj}nakolaxpox. Japi naewesaxael puexa nejmachw_{uaj}an, asew naew_{uaj}anpoxan, jiw pajut faekw_{uaj}an.

⁵ ¡Xamlax nabej tapae' japi jiw naekichachajb_ualialjwa! ¡Naexasisfulde diachw_{uaj}nakolaxpox! ¡Japaw_{uaj}an asew jiwbej naew_{uaj}nafulde! Cristoliajwa nabijatam w_{ut}, ¡boejtaliasfulde! ¡Jiw naew_{uaj}nafulde chimiaw_{uaj}an, Jesús pejw_{uaj}an, japi Dios b_u'welialjwas! ¡Chiekal puexa isde Dios xam tato'alpoxan!

⁶ Tajmatkoi moxlisox asew jiw xan naboesaliajwa, naew_{uaj}nafulax xot wajpaklon Jesús pejw_{uaj}an.

⁷ Me-ama aton xabich najaet puexa pejpamamaxtat premio kanaliajwa, xanbej ja-an. Dios tantax w_{ut}, puexa tajpamamaxtat chiekal nabistax. Bichax toetx, isxprox, Dios nato'apox. Xan jiw naew_{uaj}nax diachw_{uaj}nakolaxpox, me-ama Dios nato'a.

⁸ Amw_{ut}tjel Dios naxaw_{uaj}nawet corona xan nachaxdusliajwa. Wajpaklon Jesucristo, japon juez, xabich pachaempon. Japon asamatkoi xan naj_umchiyaxael: “Xam chiekal nabistam xanliajwa” —chiyaxaelon. Do jaw_{ut}, nachaxdusaxaelon corona. Jaw_{ut} xan kaenan japon nachaxdusaxil corona. Puexa asew jiwbej kaenan_ula chax-

duiyaxaes corona. Japi jiw, nejxasinkpi Cristo, wɥajɥawetibej japon pejme pasliajwapox.

Pablo wɥallalapox Timoteo

⁹ Timoteo, xam kamta fɥlaesiam wɥt, jɥabɥa'tlejno xan nataeliajwam!

¹⁰ Japon Demas, xanxot chijia wɥt, fɥlaechon Tesalónica paklowax poxade, kaes nejxasink xoton ampathatpijajan. Crescente to'ax japon naewɥajɥaliajwa Jesús pejwɥajan Galacia tɥajɥapijiw. Tito to'axbej japon Jesús pejwɥajan naewɥajɥaliajwa Dalmacia tɥajɥapijiw.

¹¹ Lucas, japon kaen, naman xanxot. Samata, jɥwɥlwekde Marcos! Faenam wɥt, jɥapon bɥflaeman xanlel! Japon xan nakajachawaesaxael Dios pijax bichax.

¹² Tíquico to'ax Éfeso paklowax poxade.

¹³ Xam fɥlaeman wɥt, jɥawexalaemno tajax, thuch naxoelxpo! Japox Troas paklowaxxot waeltax, Carpo pejbaxot. jɥNawexalaemanbej tejew libros, asa-ɥafbej, xakoeyasi! Japapel-ɥaf xabich xan nawewe'p.

¹⁴ Alejandro, anaeltat nejmach-isan, japon babi-jaxan is xanliajwa. Samata, japon asamatkoi Dios kastikaxaes, japoxan is xoton xanliajwa.

¹⁵ jɥXam chiekal taem Alejandroliajwa! Japon xabich nejwesla xatis naewɥajɥnaspo.

¹⁶ Roma paklowaxxotx wɥt, tadaelmajiw natasala wɥt paklochow pejwɥajnalel, xan jɥmnotx wɥt, tajut chiekal jɥm-an: “Diachwɥajɥnakolaxa-el japi xan natasalapox” —an xan japi paklochowliajwa. Jawɥt asan aton chinax asalel jɥmchi-el xan nakajachawaesliajwa.

Puexa tajnachala asbuan jumch tamach nawaelti. Xan japiliajwa Dios kawhajnax Dios kastikasamatas.

¹⁷ Tajnachala tamach nawaelt wut, Dios nakajachawaet tadaelmajiw naboesa-elaliajwa. Dios nakajachawaetbej mamnikaliajwan naewhajnalijwan chimiawajan, Jesús pejwajan, puexa jaxotpijiw, judíos-elpi.

¹⁸ Dios nakajachawaesaxael, asew babijaxan is wut xanliajwa. Dios nabuflaeyaxaelbej japon tato'alxotse. Samata, xatis Diosliajwa pomatkoicha jumchiyaxaes: “¡Xam xabich pachaemam!” —chiyaxaes. ¡Jasox nej ja-aeché' Diosliajwa!

Pablo saludos xato'apox asew jiwliajwa

¹⁹ ¡Nawesaludam Aquila, japon pijowbej, Prisca! ¡Nawesaludambej Onesíforo pejjiw!

²⁰ Erasto kaweta naman Corinto paklowaxxot. Trófimo bu'xaenk xot, namanax to'ax Mileto paklowaxxot.

²¹ ¡Kamtalejen fulaemno pasliajwam iama wujna! Saludos xato'api xamliajwa ampilape, Eubulo, Pudente, Lino, Claudiabej, puexa asew jiw, Jesús pejwajan naexasitibej.

²² Xan Dios kawhajnax Jesucristo xam chalaliajwa. Xan Dios kawhajnaxbej puexa xamal kachawaesliajwapon.

Pajelwaaian Dios pejjamechan
New Testament in Guayabero (CO:guo:Guayabero)
copyright © 2009 Wycliffe Bible Translators, Inc.

Language: Guayabero

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guayabero

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source files
dated 29 Jan 2022
809259d4-ca58-5124-9a05-fd84078a3de3